

1610

35

ARREST
DE LA COVRT
DE PARLEMENT,
CONTRE LE TRES-
meschant parricide François
Rauaillac.

LIV 25

*Avec vn brief sommaire de tous les tres-meschans parricides, qui ont par cy deuant attenté contre la personne de tres-heureuse memoire HENRY IIII.
Roy de France & de Nauarre,*



A R O V E N,
Chez IEAN PETIT, dans la
Court du Palais.

*Iouste la coppie Imprimée à Paris, par
Anthoine Vitray.*

Avec Permission de la Court.

1610

521/01-28 83-70/135

THE FA-CON
OR PARTIAL
INTEREST
IN THE
PROPERTY

OF THE
PROPERTY

OF THE

PROPERTY

OF THE

PROPERTY

PROPERTY

PROPERTY



Extrait des Registres de Parlement.

V E V par la Court les grand' Chambre, Tournelle & de l'Edit, assemblees. Le procez criminel fait par les Presidés & Conseillers à ce commis, à la requeste du Procureur general du Roy, à l'encontre de François Rauaillac, Practicien de la ville d'Angoulesme, prisonnier en la Conciergerie du Palais. Information, Interrogatoire, Confession, Denegation, Confrontations de tesmoins, Conclusions du Procureur general du Roy. Oy & interrogé par ladite Cour, sur les cas à luy imposés.

sez, procez verbal des interrogatoires à luy faits à la question, à laquelle de l'Ordonnance de ladite Court auroit esté appliqué le 25. de ce mois, pour la reuelation de ces complices, tout considéré.

Dit à esté que ladite Court a déclaré & declare ledit Rauaillac deuëment atteint & conuaincu de crime de leze Majesté, diuine & humaine, au premier chef, pour le tres-meschant, tres-abominable, & tres-detestable parricide, commis en la personne de feu Roy Henry III. de tres-bonne, & tres-loüable memoire. Pour reparation duquel l'a condamné & condamne faire amende honorable deuât la principale porte de l'Eglise de Paris, où il sera mené & cōduit dans vn tumbereau, là nud en chemise, tenant vne torche ardente du poix de deux liures: dire & declarer que malheureusement, & proditoirement il a commis ledit tres-meschant

tres-abominable, & tres detestable par-
ricide, & tué ledit Seigneur Roy, de deux
coups de cousteau dans le corps, dont
se repend, demande pardon à Dieu, au
Roy, & à Iustice, de là conduit à la place
de Gréue, & sur vn eschafaut qui y sera
dressé, tenaillé aux mammelles, bras,
cuißes, & gras des iâbes, sa main dextre
y tenant le cousteau duquel à commis
ledit parricide, ards & bruslez de feu de
souffre, & sur les endroits où il sera te-
naillé, ietté du plomb fondu, de l'huile
bouillante, de la poix raisine bruslante,
de la cire & souffre fondus ensemble.
Cefait, son corps tiré & desmembré à
quatre cheuaux, ses membres & corps
consommez au feu, reduits en cendres,
iettées au vent. A déclaré & declare
tous & chacuns ses biens acquis & con-
fisquez au Roy. Ordonné que la mai-
son où il a esté né sera desmolie, celuy
à qui elle appartient prealablement in-
demnisé sans que sur le fonds puisse à

l'aduenir estre fait autre bastiment. Et que d'as quinzaine apres la publication du present Arrest à son de trompe & cry public en la ville d'Angoulesme, son pere & sa mere vuideront le Royaume, avec deffences d'y reuenir iamais, à peine d'estre pendus & estranglez, sans autre formen ni figure de procez. A fait & fait deffences à ses freres, sœurs, oncles, & autres, porter cy apres ledit nom de Rauaillac, leur enioint le changer en autre sur les mesmes peines. Et au subtitud du Procureur general du Roy, faire publier & executer le present Arrest, à peine de s'en prendre à luy. Et auant l'execution d'iceluy Rauaillac, Ordonné qu'il sera derechef appliqué à la question, pour la reuelation des ses complices.

*Prononcé & executé le xxvij. May,
mil six cens dix.*

Signé,

VOYSIN.

DES
ATTENTATS
CONTRE LE ROY, EN
plusieurs & diuerſes fois, dont
les noms ſ'enſuiuent.

*Capitaine Michau.
Daueſnes Flament,
Vn laquais de Lorraine.
Vn Italien.*

*Nicolle Mignon.
Pierre Barriere d'Orleans.
Bedefort Bigourdan.
Jean Chafſtel de Paris.*



Mais ſur tout eſt a conſiderer le
peu de crainte que le Roy auoit
de ces aſſaſſins, car vn an
deuant le commencement de
ces guerres qui fut l'an 84. le Roy eſtant
lors à Bazaz aſſez empesché pour le
fort de Caſſe qu'vn de Bazaz tenoit,
nonobſtant toutes les inſtances qu'y
 faiſoit Monſieur le Mareſchal de Ma-
rignon, lors il ſe preſenta au ſeruice
du Roy vn nommé le Capitaine Mi-
chau, ſoy diſant eſtre fort mal con-

tent du Prince Guillaume d'Oren-
 ge , & qu'il le venoit seruir : Cepen-
 dant vn Ministre de la Religion pre-
 tenduë reformee enuoyé de Poitiers,
 auoit aduertile Roy de s'en prédre gar-
 de, & qu'il estoit venu aduis que ce Ca-
 pitaine Michau , remarqué pour estre
 borgne de l'œil droit, ne pretédoit rien
 moins que de *faire sauter la vie du Roy*,
 c'estoient les mots dont il auoit vsé fai-
 sant en sa paction avec ceux qui l'en-
 uoyoient des pays Bas. Le Roy bien ad-
 uerti s'en tenoit sur ses gardes : mais
 chassant aux forests d'Aillas , ce Capi-
 taine Michau bien monté se trouua aux
 talons du Roy , & le Roy seul , qui lors
 s'apperceuât & le voyant si pres de luy,
 fit vn traiçt de sa generosité. Il luy dit,
 Capitaine Michau mets pied a terre , ie
 veux essayer ton cheual s'il est si bon
 que tu dis: Le Capitaine michau se trou-
 ue estonné, se presente, met pied a terre,
 ayde

ayde a monter le Roy, lequel trouuant deux pistolles bandees & esmorcees a l'arçō les met à la main, luy demande s'il en vouloit tuer quelqu'un: que l'on luy auoit dit, qu'il vouloit le tuer, mais que s'il vouloit qu'il le tueroit bien luy mesme: puis le Roy tira les pistolles en l'air, & luy commanda de le suiure, montant sur le cheual du Roy. Et ainsi estant arriué a Bazaz, deux iours apres prit congé du Roy apres beaucoup d'excuses, & s'en alla. Ainsi en aduint au grand Roy François d'un Comte Guillaume de Saxe, dont l'histoire est rapportee dans l'Eptameron de la Royne de Nauarre, n'y a autre difference, sinon que le Roy François monstra son espee au Comte Guillaume, & le Roy tira les pistolles du Capitaine Michau.

Il y a eu aussi vne conspiration estrange dès l'annee 93. d'un nommé Dauesnes, lequel aduoüa estre venu par trois

fois de Flandres pour tuer le Roy, mesmes estant à S. Denis lors de sa conuersion, & qu'il n'auoit point eue le courage, voyant que le Roy estoit bon Catholique. D'ailleurs il contre-faisoit par fois le fol, tellement que pour ne prendre plus garde a luy, il sortit de la prison du Fort-l'Euesque: & en desbaucha vn des Guichetiers: mais estant allé vers Melun, il se mit en fantasie d'en parler a quelques vns, & qu'il ne pensoit que ce fut mal fait: ce qu'estant rapporté, il fut repris, cōuaincu & executé, ainsi qu'il le meritoit. Avec luy fut executé vn Laquais du pays de Lorraine, dequoy mesme le Duc de Lorraine aduertit le Roy, furent tous deux rompus sur la rouë dans la place de Gréue.

Il y eut aussi l'an 99. vn autre attentat sur le Roy par vn Italien, dont vn Milanois Capucin de Religion aduertit sa Maiesté.

Et trois autres lesquels auoient entrepris de tuer sa Maieſté, lors qu'elle eſtoit en Sauoye, deſquels l'on auoit eu certains aduis avec les portraits, & deſquels furent bien recognus. Ainſi que l'on les vouloit prendre, ſa Maieſté ne le voulut, mais elle dit : Laissez ces meſchans hommes là : telles meſchancetez ne demeurent iamais impunies. Dieu les punira ſans que ie m'en meſſe.

Au moys de May, 1600. le diable ſuſcita vne miſerable femme pour empoifonner le roy, nommee Nicole Mignon, laquelle auoit eu quelques moyens: durant ces guerres paſſees elle demeuroid à ſaint Denis au grand Cerf. apres auoir ſur ſes vieux ans eſpouſé vn ieune homme cuiſinier, comme ainſi ſoit que durant la guerre elle ſe meſſoit de tout ce qu'elle pouuoit pour rouler le temps, meſme auoit eu ceſte faueur enuers le roy, qui eſt plein de bôté, qu'elle auoit

parlé à luy priuément, comme la licence des armes donne au temps de la guerre telles priuautez, & les Princes quelquesfois s'y accommodent. Apres ces guerres, voyant S. Denis peu frequenté, elle se resoult de reuenir demeurer à Paris, & par beaucoup de mois fut toleree par la bonté du Roy a se presenter deuant luy, si que mesmes parfois il luy demanda qu'elle vouloit: & ne respondant point categoriquement, elle fut iugee pour importune & comme folle: car elle vouloit expressement parler au Roy en particulier.

On presume que son but pour lors n'estoit que pour approcher son mary de la cuisine du Roy, & sembloit bien qu'elle auoit l'esprit embrouillé de quelque fantasie: En fin donc, elle fut reiettee & menacee, dont elle conuertit son enuie en indignation, & de la conceut vne haine, & de ceste haine vne

machination contre le roy, qui estoit
 cruelle, à sçauoir de le faire mourir. On
 tient qu'elle communiqua à quelque
 Sorcier ou Sorciere qui luy bailla (cô-
 me elle disoit) vn moyen terrible, assa-
 uoir qu'avec vne certaine eau qu'elle
 ietteroit sur le liect du roy, il ne failliroit
 point d'entrer en vne certaine lagueur,
 de laquelle il mourroit finalement: Or
 cela estoit vn indice manifeste de sort,
 & partant côme elle en estoit soupçon-
 nee, elle pretendoit d'auoir seulement
 ceste entree: mais voyāt qu'elle ne pou-
 uoit plus d'elle mesme y faire à son ad-
 uis, elle prend resolution de s'adresser
 à Monsieur le Comte de Soissons, Prin-
 ce du sang, & grand Maistre de France,
 d'autant qu'il luy pouuoit dōner quel-
 que estat pour son mary dans la cuisine
 du roy: Et par l'occasion d'aller voir
 son mary, elle mettroit a fin le mal-
 heur de son entreprise maudite. Elle fut

long temps à tracasser autour du logis pour parler audit sieur Comte, & finalement elle y eut accez, & luy dit, Qu'il estoit en luy d'estre le plus grand Prince du monde. Il en voulut entendre les moyens d'elle en particulier, dequoy il fut bien estonné: Et pource que cela tiroit à consequence, il luy dit qu'elle reuint vne autre fois, & que cela meritoit bien d'y penser plus que d'un iour: cependant ledit sieur comte aduertit diligemment le roy, & requit sa Maiesté de luy donner homme confident; qui ouïst les propos de ceste femme, laquelle ne faillit pas à venir, & dist encor les mesmes propos audit sieur comte: mais le sieur de Lomenie (auquel le roy auoit commandé d'y aller) estoit dans le cabinet qui entendit ses mauuaises intentions: elle fut incontinent prise, & mise à la question: Apres les interrogatoires a elle faits, depositions dudit sieur

Comte & dudit de Lomenie, contre lesquels elle fut receuë à donner obiets & reproches, selon la formalité de Iustice: en fin elle fut conuaincuë par ses variations propres, & confessa que son intention auoit esté telle, dont l'effet ne s'en estoit ensuiui: elle fut si rusée qu'elle s'en deffendoit tant qu'elle pouuoit de ne deuoir pas estre punie à la rigueur, tantost reiettant la coulpe sur la tentation du Malin, tantost sur la fragilité de son sexe: & toutesfois son procez luy estant fait & parfait, comme de raison, elle fut condamnée à estre bruslée & en fut l'exécution dans la place de Gréue, au commencement du mois de Iuin.

Il y en a eu plusieurs autres, mesmes durant la Trefue de l'an 1603. vn nommé Pierre Barriere natif d'Orleans, lequel se presenta dans Lion à vn Iacobin nommé F. Seraphin Banchi, lequel l'oüit en cōfession, & luy descouurant

son intention mauuaise, il l'en d'estourna tant qu'il peust, mais ne pouuant rien gagner sur luy, ledit Iacobin en aduertit le Roy par vn des seruiteurs de Monsieur de Villeroy: & fut ledit Barriere pris, preuenu, examiné, cōuaincu, condamné, & executé dans Melun, par la Iustice du grand Preuost de l'Hostel, dont estoit Lieutenant Lugoly: Il fut trouué chargé de certain cousteau a grain d'orge, qu'il disoit auoir fait faire expres, & qu'il ne l'auoit peu tirer assez a temps dedans Bry contre Robert vn iour que le Roy reuenoit de la chasse. Il fit vne fin miserable estant rompu sur la rouë, & n'apprehendat point nullement le iugement de Dieu.

Et aussi celuy de Iean Chastel est fort notoire à tous d'auoir osé dans le Louure mesme attaquer le Roy en la face, d'vn coup de cousteau sans aucun respect, lequel fut tiré à quatre cheuaux le 29. Decembre 1594. dont s'en est ensuiui vn grand inconuenient à tout l'ordre des Iesuites, à cause qu'il auoit estudié en leur College, & qu'il se trouua vn escrit entre ceux du Pere Guignard par lequel en question de Theologie, il d soit cela estre licite: de quoy aussi le Pere Guignard fut pendu en la place de Gréue.

